

天



5

四溟山人全集卷之八

東郡 謝榛 著

東郡 蘇潢

赤城 陳養才 全校

東郡新安 張季彦 程兆相 全校 詳閱

五言律詩一百二十首

寄姚鳳麓太守

聞說天雄守江南何事回鶴閒秋菊圃山迥夕陽臺
宦迹五君詠交情二仲來丹砂待九轉知爾亦仙才

寄顧彭山別駕

建業元佳麗風流况有君妖童隔花唱醉客倚樓聞
清憶銅臺雪春憐金谷雲于今非宦邸猶試寶刀文
夜飲劉別駕必東宅

十年多悵望相見轉銷魂此日嗟黃髮他鄉對綠樽
宦情應自感旅况復誰論傾倒寧辭醉天寒月在門
李生蔭予畏友也浩然有江湖之志喜而有

作

老我天涯客相逢識爾情襟斯元一調詞賦擬同聲
海樹維揚路江帆建業城何當鳳臺上浩唱見平生
贈田深父

氣奪三都賦聲驅六代詩春雲流碧落秋月照瓊枝
獨覽中原勝還收太華竒東山有狂客千里媿相知

西亭中尉雅集

騷侶夜同酌酣歌風月斜古人自風調今代幾名家
客久鬢將雪天寒梅正花誰知獻賦意對爾一長嗟

吹臺弔三賢

李白杜甫高適
曾會于此

異代懷三老風騷尚可親高名相照耀片石自嶙峋
野曠青雲暮臺空碧草春至今遺響在神鬼泣何人

上方寺

共有生前累誰經勝事繁照心逢石鏡隨意到松門

試讀高僧傳還同靜者論支公今已矣空復坐雲根
中秋夜潞陽旅館同馮員外言別得分字
客亭逢此夕樽酒况同君月向中秋滿人從上國分
絳河斜度影白鴈遠呼群回首淮陽路相思隔海雲

秋日卽事五首

八月邊烽起燕關入犬戎檄飛三輔道氣激五都雄
戍角寒雲外城烏夜色中不知枕戈者愁絕竟誰功

二

燕趙多愁日兵戈未定時交游踈舊社僮僕問歸期
驛路當秋斷胡笳帶月悲曉來驚旅鬢更益鏡中絲

三

何時偃甲兵多難滯燕城寒館下桐葉秋風吹雨聲
賈生今日淚宋玉昔年情共有龍庭策誰高麟閣名

四

旅懷方索寞秋氣重蕭森兵甲南歸夢妻孥北望心
閉城山日在倚劍野雲深獨有長安客時時問捷音

五

疊嶂雲仍慘孤村鳥亦稀共嗟經鐵馬誰復守柴扉
戰地生寒色征旗亂夕暉還思漢飛將逐虜過金微
漳河有感

行經百度水祇是一漳河不畏奔騰急其如轉折多
出山通遠脉兼雨作洪波偏入曹劉賦東流鄴下過

送吳駕部子有奔喪洛中二首

漠南驚候火洛下報哀音去去思親淚遲遲憂國心
暮雲中嶽斷秋雨大河深猶憶老萊服空瞻松柏林

二

數有趨庭夢秋來益苦顏高原黃葉下落日素車還
髮變兵戈後心摧霜露間啼鳥轉淒切淚盡北邙山

九日集徐郎中汝思宅得盃字

連牀留昨夜九日復筵開白髮愁中賦黃花亂後盃

霜兼宮樹變鴈自塞門來賴是同心者深知庾信哀

對菊

東籬何寂寞不似去年秋菊帶淒涼色人經離亂愁
風庭寒影動霜院晚香流客裏重陽過悲歌獨未休

馬子端王鼎臣見過因懷崔都尉

虜去人心定相逢話此生亂離俱是客去住各含情
沁水沉鸞影秦臺斷鳳聲眼中惟二子且復醉燕城

秋夜

不見同懷侶悠然獨夜思風淒聞角處月落倚樓時
計拙陶潛酒心憂阮籍詩千山芳蕙歇策杖復何之

芳樹

芳樹花爭發，嫣然故向人。相看終日媚，一摘暫時新。
影落金塘水，香飄玉砌塵。傷心有琴瑟，寂寞漢宮春。

鄴下秋懷

風塵勞客計，詞賦寄鄉愁。鴈避胡天雪，人經鄴地秋。
幾年多放浪，萬古自沉浮。抱膝成孤嘯，蒼涼月近樓。
奉和崔後渠祭酒見贈

碧山留大老，客子幾番來。砧杵鳴秋郭，風塵上晚臺。
孤懷惟短劍，萬事且深杯。東閣多賢士，寧遺作賦才。

寄吳山人擴

朔塞曾驅馬，衝寒亦苦辛。黃金身外物，素髮鏡中人。
海鶴天容老，江梅雪護春。吳姬歌白苧，酒興幾回新。

寄靳太守子魯

花發上林時，君行我在茲。三春不相見，千里自同思。
白髮留燕市，青蘋寄楚祠。郡樓應獨眺，未擬北來期。

題蕭鴻臚文萃園亭

京國論交久，知君道氣存。買書無積俸，好客有閒園。
月近池邊榻，雲低花下樽。偶來堪避俗，何必問桃源。

送盛明府啓元赴安陽二首

漳南二十秋，淳俗故相留。復此爲燕客，翻然送鄴侯。

日搖官柳色雲入御河流別後知無訟鳴琴坐縣樓

二

中州夏夫雨爲令此心懸郡縣逢今日誅求異往年
山廻鄴城樹路出滏陽田不見西門豹千秋共道賢

寄趙總戎公僕

聞道干城將頻年未解顏身危征戰後名定是非間
海月窺龍劍沙雲接鴈山誰憐趙充國白首臥榆關
夜集孫郎中文揆宅賦得待月

關山不見月玉笛未須吹水暗魚龍窟雲深烏鵲枝
開樽成露坐作賦待秋期還擬梁園夜鄒枚况在茲

秋夜同應駕部瑞伯宿三河驛得宵字

荒村回遠火古驛駐征軺蓬鬢人間老萍蹤薊北遙
繁星耿秋漢鳴柝亂寒宵忽憶山中桂清霜葉又凋

赴石門峽

石門西去道煙色樹冥冥秋草地全白夕陽山更青
聞蟲驚節序立馬問邊庭潦倒還詞賦徒慙兩鬢星
石門秋夜有懷

歇馬空山夕勞歌塞上歸野霜明古劍峽月冷秋衣
坐裏蛩螿亂愁邊烏鵲飛酒杯時在手不與故人揮

春雨感懷

漠漠春天雨冥冥晚樹花山雲迷客路海燕落人家
濁酒聊生計狂歌任歲華異時懷杜甫老病滯三巴
夏日同武元康劉復之杜約夫萬金渠流觴
城西六月暮笛裏萬山秋野水天光淨沙汀日色浮
清觴聊泛泛白鳥任悠悠逸少今千載何人復勝遊

送呂試官宗夔入蜀

西蜀有揚馬君才當此行幾年懷勝迹今日慰平生
地入黃牛峽江連白帝城停驂勒銘處獨見古人情

獨步

野田聊獨步風物漫幽思地迥秋山出天空暮雨垂

石梁閒鶴鶴水國靜蛟螭曠士成衰謝寧無狗監知
暮秋同馮直卿秦廷獻李士美遊黃花山三

首

太行秋色老步屨一探竒草白高歡殿山空王母祠
飛泉堪倚杖落日尚揮卮松外浮雲去幽人意獨遲

二

高嵯翻榭葉白日雨聲寒共愛秋山好其如芳蕙殘
亂雲藏怪石空壑下清湍底事林間鶴棲棲刷羽翰

三

深入黃花谷高臨玉女臺迎人千嶂出隨意一樽開

寒露垂瑤草秋風掃石苔子長耽勝絕猿鳥莫相猜

宿黃花寺

橫野千重壁飛空百丈泉松門臨巨壑石閣架長煙
月下惟清梵林中有靜緣此心元不染秋水照青蓮
春日遊清涼山柬孟德用

沙暖青蒲出山晴碧樹分琴樽閒傍水杖屨獨披雲
曠野流春氣高峰駐夕曛芳時不可負寄語孟叅軍

北園同劉國藩夜酌

花時招酒伴幾度北林遊改席依芳樹鳴琴對碧流
天高微月出沙迥斷煙浮明日還乘興垂竿杜若洲

春雪

寒色驚三月黃雲忽滿天萬花春雪裏雙燕凍泥邊
農父含憂日詞臣紀異年無勞問真宰醉向北窻眠

寄郭太史質夫

直北京華地僊郎足勝遊雲低金闕暮月動玉堂秋
草詔傳天語題詩見國憂茫茫湖海上有客寄漁舟
杜約夫樓中對雨得寒字

孤鴻復何去雨色正迷漫氣壓千峰暮聲連九澤寒
天時成百感世故任多端對爾同懷客高歌劔一彈

寄左舜齊

長嘯知高思端居見古心千松元一種萬鶴自同音
月下故人遠天南秋水深宋門煙草路何日復相尋
題背面美人圖

無那琵琶曲重彈調轉淒自傷傾國色故作背人啼
太液秋光冷長門夜月低流鶯何意思飛過掖庭西

懷僊吟

海上安期子飄然與世違三丘來采藥萬里躡雲歸
山鬼窺丹竈鮫人識羽衣相從渺何許秋月見餘輝

銅鞮廢邑

銅鞮餘晉邑成敗憶當時羊舌誰先見豺聲自可知

雲山連樹慘風物使人悲叔向有如此嗟哉空賦

塞上曲

百戰多枯骨秋高白草深飛鷗盤大漠嘶馬振長林
伏虜天王力封侯壯士心華夷自有限邊徼莫相侵

述懷

浮生吾自遣底事役心機白髮成踈嬾黃金有是非
乾坤惟竹杖寒暑一荷衣欲訪商山叟茫茫何處歸

寄甯氏子喬益之二君兼呈李西牟吏部

二阮真騷侶山林近有盟嘯呼多浩氣披豁自高情
野樹早花發石橋春水平還思畢吏部倚杖獨聽鶯

丁香

紫花何太媚靜女若爲看影動簾櫳曉香沉煙雨寒
芳菲心有託零落思無端一采歸金屋春深莫倚闌

李汝純攜文稿見過率爾賦贈

懷袖出何書飛霞燦不如能文舉業外振藻比圖餘
春動混茫氣天開閭闔居幾時逢狗監爲爾一吹噓

南巡歌二首

大道軍容肅中天王氣高風雲隨鳳輦日月動龍袍
綠野開三殿黃河集萬艘竟陵恐遲暮原廟薦櫻桃

二

南楚旌旗合黃塵走百官天王重巡幸民物識艱難
馳道春風動行宮夜月寒萬年垂拱意歌頌入長安

同馮汝隆遊萬泉山

壑林最幽處亂泉風雨來雲中山路轉樹裏石門開
高興題蒼壁長歌坐碧苔好爲猿鶴主閒醉百年杯

題何柏齋侍郎山居

茅宇依泉石遊心自太空簷垂松葉露門掩稻花風
世故端居外天真獨臥中平生愛疏廣今古幾人同

酬五嶽山人黃勉之見寄

人壯三吳地天開五嶽圖神交江月迥目極海雲孤

老鳳鳴琪樹秋花照玉壺洞庭騷雅會知爾說狂夫

秋興四首

寥落天涯客誰堪秋氣深風煙淒大野霜日淨空林
對鏡嗟衰白銜杯任陸沉子雲多著述百代有知音

二

山昏雲到地江白雨連天鴻鴈寒無賴芙蓉秋可憐
旅懷須痛飲世事且高眠京國迷茫外空歌美女篇

三

嘯歌誰會意風色動嚴城天夕孤鴻過山秋萬樹鳴
故人湖海夢遊子歲時情坐惜瑤芳歇空除又月明

四

地曠藤蕪老庭空蟋蟀寒山河秋瑟瑟風露夜漫漫
白首誰同醉黃花祗自看吾生真浪迹滄海一漁竿

伏枕

伏枕無窮事虛堂秋夜深松低半窻月山靜數家砧
老鶴同幽意寒螿伴苦吟百年兒女計誰識向平心

悼李太僕天錫

三江遊宦後習靜向林泉歲月成吳詠風霜動楚騷
野亭空鳥雀石徑自蓬蒿萬事浮雲散堪悲李騎曹

晚秋呈崔後渠侍郎

野曠煙嵐重山深杖屨遲菊花留晚色松樹挺寒枝
霜下百蟲伏風前孤鳥悲蒼生憂悴日獨有老臣知
意征夫

涼秋益愁思飛夢度金河朔野塵沙慘窮邊烽燧多
霜晨應躍馬月夕任橫戈功業歸都護長征柰爾何
北塞

朔漠匈奴遁長城候騎還丁男空郡國甲士壯邊關
玉劔橫霜冷瑠弓抱月閒于今多上將談笑定天山

秋懷柬衛子涵

細雨秋山淨寒煙暮野空龍蟠無濁水鳳宿有孤桐

世業兵戈後年光客旅中雲林千古意寂寞幾英雄

春日都下言懷

煮藥花朝過中宵坐黯然樓空萬井月樹合九門煙
多病還詞賦孤懷且歲年滄江有白鳥來往釣磯邊

酬馬子端

若木橫西極鯤魚鼓北溟壯圖雙鬢黑不寐一燈青
曙月低花苑春煙澹石屏上公開閣日暫爾謝山靈

崔太傅北園同張光祿友衡陳禮部子發聞
人禮部元科吳大理希明得詩字

勝地成高會雲和度曲時百花明院落一鳥下臺池

待月仍呼酒看山共賦詩鳳城春色暮莫負牡丹期
同內閣張友衡張文光二公飲崔京山園亭
錦石高於屋名香靄若雲笙鏞間清響花草雜幽芬
人醉瑤京酒天成紫閣文廣除多皓月改席坐宵分
崔岱屏園集同馬子端王汝秀得先字

名園雄戚里芳樹麗賓筵水檻春雲度山亭午日懸
禮因徐孺重才爲禰衡憐醉聽清商曲風花感昔年

夏日崔西岷宅同張水部德揚醉賦

日暮重門寂風涼獨樹斜一樽元亮宅萬卷子雲家
白石垂蘭葉清池出藕花水曹同取醉庭宇落殘霞

遊翠巖七真洞

一攀靈秀處松映石門清虛抱水霜氣幽含神鬼情
碧天孤鶴下蒼壁細雲生髮髯來僊客空山鳳吹鳴

宿玉泉寺同郁子和姜子學

有客同高趣珠林取次攀松聲寒暮閣月色淨秋山
四大空虛裏三乘浩渺間野雲時聚散浮世幾人閒
宿淇門驛懷孫方伯性甫王憲副廷瞻江少

叅伯陽

駐馬淇門夕堂空暑氣徂亂雲關樹暝寒雨驛燈孤
身計聊時序鄉心復道途何當報知己秋鴈滿江湖

表兄周平基書至

兄弟成脩阻霜空一鴈過
桑麻懷故國煙月夢西河
短杖徘徊意孤樽慷慨歌
相思秋又暮白髮竟誰多

邊警

候火驚邊郡胡笳動戍樓
地屯駝馬夜草屬犬羊秋
將士心何切瘡痍戰不休
請纓復誰子北顧使人憂

寄王侍御廷實

中歲耽高臥徵書近有無
寒花世味薄老鶴道心孤
白日分千嶂青天落五湖
懸知文力健聊復擬潛夫

寄王東畬

我遊京國去君向鄴城
來自拂燈前劔誰傳花下杯
停雲虛夜館落月曠秋臺
鴻鴈飛何處相思賦七哀

元日

異鄉今日酒無那客愁新
風落千林雪天迴萬谷春
兒童催老大物候感沉淪
何限長隄柳青青又向人
予將遊天壇山適何柏齋侍郎書至

西南形勝地春暖碧桃開
遊子興將發侍郎書正來
岡巒抱靈氣洞壑養僊才
我欲隨高蹈軒轅百尺臺
古意

南國動幽思春洲寒綠芳
九疑雲物夕帝女怨瀟湘

華月照瑤瑟靈風吹綺裳那知苦調罷楚客立蒼茫
懷楊遂菴閣老

憶昔楊元老燕都識魯生扶筇還再拜下榻見高情
鳳閣今遺疏龍荒尚畏名江流去不返浩歎幾時平
答李都閩賓玉寄書

近得將軍報天涯感慨生壺觴一夕會關塞幾年情
長嘯空沙漠雄才老甲兵三河尚多故未必棄干城

鄒汝鄰武元康書至

斷蓬秋氣動有客歎無媒獨鶴投南去雙魚自北來
深知叔夜傲應識子山哀聊復傳予意雲飛到鄴臺

同李汝錫馬伯齡遊蘇門山東王明府

好山同一賞行坐有莓苔潭上幽花照樽前白鳥來
放歌風振木起舞月臨臺欲刻蘇門石慚非謝眺才

覃懷道中

候鴈來何急相呼入遠空朔雲低晚樹野吹捲秋蓬
烽火孤征外關城百戰中邇聞胡馬遁諸將欲論功

雨後柬張宗昭

雨後小園淨豆花寒更開客中秋序過燈下鴈聲來
嬾慢催詩句踈狂但酒杯故人期不至涼月滿高臺

夜坐

華月照瑤瑟靈風吹綺裳那知苦調罷楚客立蒼茫
懷楊遂菴閣老

憶昔楊元老燕都識曾生扶筇還再拜下榻見高情
鳳閣今遺疏龍荒尚畏名江流去不返浩歎幾時平
答李都閩賓玉寄書

近得將軍報天涯感慨生壺觴一夕會關塞幾年情
長嘯空沙漠雄才老甲兵三河尚多故未必棄干城

鄒汝鄰武元康書至

斷蓬秋氣動有客歎無媒獨鶴投南去雙魚自北來
深知叔夜傲應識子山哀聊復傳予意雲飛到鄴臺

同李汝錫馬伯齡遊蘇門山東王明府

好山同一賞行坐有莓苔潭上幽花照樽前白鳥來
放歌風振木起舞月臨臺欲刻蘇門石慚非謝眺才

覃懷道中

候鴈來何急相呼入遠空朔雲低晚樹野吹捲秋蓬
烽火孤征外關城百戰中邇聞胡馬遁諸將欲論功

雨後柬張宗昭

雨後小園淨豆花寒更開客中秋序過燈下鴈聲來
嬾慢催詩句踈狂但酒杯故人期不至涼月滿高臺

夜坐

葉落驚秋暮空堂客意閒有懷孤月下無語亂蛩間
綠酒堪隨興黃精好駐顏欲從羨門子海色渺三山

過山叟

栗里堪同隱濠梁復一過衡門開綠野石壁帶青蘿
偶共山人醉閒隨牧子歌還憐夜色好星月湛滄波

秋夜柬張崇德

滿天風撼撼木葉下山城夜靜羣蟲響秋高片月清
多方身計拙無病旅愁輕仲蔚深知已悠悠江漢情

野興

白日霜凝地飛飛鴈度河孤峰依漢迥老樹得秋多

月曉山精伏時清野父歌短筇隨我意一徑入煙蘿

過儀封呈大司馬王浚川

行人度河甸空林寒日初風高脆蒲葦水落困龍魚
民物誅求際邊陲戰伐餘濟時須大老莫戀草玄廬

旅夜有懷

鄉國燈前夢關山客裏情一川秋草色四野候蟲聲
飄泊心逾壯悲歌氣未平美人胡不見雲渺鳳凰城

早發儀封至黃河懷雍丘劉顯夫郭汝霖聶

于休黃實甫陳用吉丁子雍王叔采七君

稍稍日東上淒淒風北來拍天河水動抱樹浦雲開

葉落驚秋暮空堂客意閒有懷孤月下無語亂蛩間
綠酒堪隨興黃精好駐顏欲從羨門子海色渺三山

過山叟

栗里堪同隱濠梁復一過衡門開綠野石壁帶青蘿
偶共山人醉閒隨牧子歌還憐夜色好星月湛滄波
秋夜柬張崇德

滿天風撼撼木葉下山城夜靜羣蟲響秋高片月清
多方身計拙無病旅愁輕仲蔚深知已悠悠江漢情

野興

白日霜凝地飛飛鴈度河孤峰依漢迥老樹得秋多

月曉山精伏時清野父歌短筇隨我意一徑入煙蘿

過儀封呈大司馬王浚川

行人度河甸空林寒日初風高脆蒲葦水落困龍魚
民物誅求際邊陲戰伐餘濟時須大老莫戀草玄廬

旅夜有懷

鄉國燈前夢關山客裏情一川秋草色四野候蟲聲
飄泊心逾壯悲歌氣未平美人胡不見雲渺鳳凰城

早發儀封至黃河懷雍丘劉顯夫郭汝霖聶
于休黃實甫陳用吉丁子雍王叔采七君

稍稍日東上淒淒風北來拍天河水動抱樹浦雲開

世曠鄒陽賦年深梁孝臺古今成歎息南向有羣才

大梁冬夜

坐肅南樓夜孤燈客思長人吹五更笛月照萬家霜
歸計身多病生涯鬢易蒼征鴻向何許春意徧湖湘

古怨三首

高樓俯江樹樓上有蛾眉舊約空成歎新愁可訴誰
春閒翡翠幕月冷杜鵑枝蕩子復何處楊花無定時

二

楊花日飄蕩能復幾何春遠道寧知妾流年不待人
片雲橫上國獨鳥下西秦無奈懷君意清江採綠蘋

三

綠蘋時復採獨立轉深愁憶昔郎船去極天江水流
玉環應自佩金谷謾長遊可惜鉛華落西風入畫樓

春日同雙泉清泉湧泉西泉四將軍園酌

南園鳴布穀煙雨萬家春庭草亂依榻山雲低傍人
當歌惟勝地快意幾芳辰醉殺高陽客花前倒葛巾

登城有感奉寄江寧王懷易

野風吹客袂感慨一登城孤鳥日邊沒大河天外傾
年華悲杜甫世故老虞卿龍劍應相合雲霄無限情
過袁子裁卽席有贈

梁苑春將暮薔薇已着花
風光隨燕雀天意曠龍蛇
騷雅誰同調襟期自一家
羨君猶綠鬢聊爾寄煙霞

寄李水部伯齡

移官向南服詩思益春容
魚鳥何時到江關有夢從
天清揚子樹日暮秣陵鐘
把酒應相憶秋雲隔萬重
渡黃河

路出大梁城關河開曉晴
日翻龍窟動風掃鴈沙平
倚劔嗟身事張帆快旅情
茫茫不知處空外擢歌聲

鳳凰山

青山抱靈秀曾有鳳凰來
鳳去海天迥梧桐花自開

五雲當日散百鳥至今哀
惆悵空原暮長風送客迴

寓大伾山王侍御廷實見訪

門敞青天近庭空夕照多
幽人掃石榻上客到雲蘿
調鶴移時止看山信意歌
還同坐風露花竹夜如何

集孟得之園亭

萬竹生秋意林園六月初
騷人宜物色樽酒坐庭除
落日橫孤嶂清風滿太虛
興高歸去晚池上采芙蓉

秋日洹上書懷

水邊沙草合林外石橋橫
雲漫三秋色河流萬古聲
野花欺老鬢村酒勝浮名
我愛桐江叟漁竿不世情

同李元博攜酒訪岐南道人

共向東園酌葫蘆秋正花千畦散流水萬木帶飛霞
碧海仙人島玄都道士家未應騎鶴去聊此話丹砂

懷玉清閣

紫閣登臨處秋光入品題窻吞河嶽盡簷壓斗牛低
客路孤城外仙壇萬嶺西浮丘分袂後望斷白雲梯

懷小有洞

逼天王屋勝一洞抱空虛地勢通瑤闕山靈護寶書
燒丹非我事度世定誰居黃鶴西飛去雲霞思有餘

懷紫微宮

斷山經過處三十六迴泉石樹迎華月瑤宮帶紫煙
異香猶入夜飛馭儼橫天借問丹臺上于今復幾仙

遊仙詩二首

短杖超人世輕裾拂海霞漫乘孤鳳去飛度九天霞
朝會木公府夜遊金母家西池堪對酌碧藕萬年花

二

綠髮壺中客青霞物外天鸞歌出花鳥鶴舞向芝田
韓衆爲儔侶王喬問歲年笑將玉如意指點說丹泉

懷香山寺

曾識京西路名山梵帝家殿高千嶺樹地落半天霞

空外鐘聲徹雲邊塔影斜老禪相對處笑指白蓮花

四溟山人全集卷之八終

四溟山人全集卷之九

東郡 謝榛 著

東郡 蘇漢 著

赤城 陳養才 全校

東郡新安 張季彥 程兆相 全校

五言律詩一百二十首

郭壽卿林亭早起

開軒幽思動秋色迥蒼蒼日照瓠花白風吹松子香
楚詞聊一檢魯酒重相將何處來鳴鴉周零感衆芳

秋况

地闊蒼煙暮天空白露秋鶴鳴非有意龍蟄自無求
日月催雙鬢江湖任一舟騷人起遐思獨倚仲宣樓
李戶部一元過訪適予他出寄謝

北極風雲動懷君獨未平商歌歸楚調春夢落燕城
鷺鷥還高舉麒麟不偶生何時見顏色一慰薜蘿情

春野

去郭蒼茫色鴉飛欲暮天青天一筇外白髮萬花前
春事渾相惱人情好自憐踏歌時遣意平楚漫風煙
春夜有感寄王子濟

花下聊杯酒孤鴻入夜聞江山仍作客兄弟久離羣

浪迹惟中散名交自右軍是非高枕外千古一浮雲

秋日閒居

教兒種瓜豆滿架綠垂垂避俗存吾計成家習土宜
秋花低白幘晚葉照清卮踈曠非今日人生各有爲

天馬歌

身置黃金埒鍾靈自渥洼孫陽相識後首宿幾開花
迥立天風起長嘶嶺日斜會當平虜去萬里踏龍沙

送朱君歸都下

君來鄴城雪君去薊門秋生計踈鄉信歸期減客愁
光陰多道路慷慨幾交游誰識燕歌處孤雲傍酒樓

帝京篇

鴉鳴萬井曙海日上瑤宮遊覽天光下歌謠物色中
佳人翠羽扇公子玉花驄汨沒清時客誰知一劍雄

清曉

清曉復何向出門風颯然烽煙三晉地霜露九秋天
禦虜誰長策談兵自往年俠兒亦解事仗劍欲臨邊

送劉僉憲才甫北伐

七月邊烽動三河兵氣揚乘秋發猛士計日縛名王
劍倚胡天迥旗連海霧長燕然一片石終古有餘光

送杜敬夫有事顯陵

匹馬飛千里孤帆截九河天南郢州道月下楚人歌
陵廟楸梧冷江城雲霧多萬年帝靈在神鬼護山河

栗仁甫園亭餞別得天字

偶過設芳筵相留花竹邊離聲楚詞賦行紀晉山川
馬識往來道雲通南北天憶君池上月應負幾回圓

懷碧雲寺

羣山開寶地憶昔杖藜過石洞餘冰雪巖泉淨薜蘿
虛空塵慮盡踈散勝緣多欲結東林社相依老洞阿

同鄒汝鄰張伊梁李元傳飲申幼川北園登

臺醉賦

朋好多風雅園林復此遊天邊數峰出臺下三河流
浦樹籠蒼靄霜花照素秋騷人嗅芳意莫訝爲時憂

同陳石卿夜酌善應山

騷客同今夕當杯意思閒天風入古樹海月到空山
勝賞雙林外高歌萬壑間人生竟多事此地幾登攀
送王中書嘉賓歸海陵

華髮紫薇郎鳴鞭下帝鄉尊鱸新味美丘壘故思長
海國連秋氣江皋帶晚芳興來一鼓柁誰與詠滄浪

秋夜寄郭黃州

久別多遐思驚心夜半鴻霜飛鄴臺冷月照楚江空

感慨三秋過徵求萬邑同細侯深有意聊爾託長風

得宋進士汝化書

長安看花客此日報書來幾載曠顏色三春孤酒杯
病多猶作賦愁劇且登臺北望時搔首遙憐宋玉才

送栗道夫歸上黨

東閣逢今日君何策馬廻路紛揚子淚天滯賈生才
痛飲聊漳浦豪吟更鄴臺太行成遠隔秋暮一鴻哀

有懷

南國美人別長懷相見初不傳萬里信聞殺九江魚
白髮增長歎黃花伴索居夜深風露下猶自立前除

閏九月九日集高南溟茂宰宅

秋高天欲冷，月閏菊仍花。共喜重陽日，高歌五柳家。
龍山時復眺，鳩杖興逾賒。落帽偶然事，千年說孟嘉。
謁夏象峰閣老祠

獨愛于廷尉，心期異代同。政聲猶五馬，天意竟三公。
祠枕寒溪上，碑橫夕照中。歲時奔父老，涕淚灑西風。
寄欽虹江使君

廣西能理郡，瘴癘急歸來。綠醕愁難敵，黃金老易催。
行藏雲在野，徙倚月當臺。不信燒丹叟，敲門空自回。
寄孫堯峰把總

同衰不相見，憶昔薊門逢。送別吳帆遠，含思燕樹重。
湖光閒鸕鶴，秋色淨芙蓉。月下長安夢，楓橋夜半鐘。

寄張石癯黃門

千里見騰踏，飛黃淹內黃。灝秋獨感興，昭代幾封章。
夜直紫微近，時違青瑣長。往來宦迹定，吳樹晚蒼蒼。
吳下洞庭兩山詩，伯每從予遊四十年來凋。
敝盡矣，率成短律，用志悲感。

勝地闔閭國，滄波范蠡船。山通轉折路，湖抱混茫天。
絲管春風裏，松楸晚照邊。人家幾歌哭，誰盡白頭年。
傷朱雲溪方伯

正氣死猶見齊人昔解紛塵迷旌旆影翼縮鳳鸞文
城闕淒春日園扉慘晝雲那知斷腸草同姓已荒墳

道中雨雪

衰白仍遊興乘車信亦難僕夫兼路險風雪共春寒
酒旆此時望炊煙何處食猶思少年日策馬走長安
張二守鳴遠攜酒夜過禪房率爾賦贈

攜酒出偶爾隨意是端居垂老詩猶進能狂禮不踈
興高雲影外心悟磬聲餘每過論三昧無令禪榻虛
春日王侍御斯進招飲值雪得春字

晉服已周巡行臺草又新山川移淑氣雨雪忌芳春

天許激揚疏時關醒醉人今宵共離宴歸路望楓宸

同張鳴遠遊靈感寺

偶成山寺約共是野鷗心有味澹終日無營閒至今
草芽青半砌雲氣白雙林何處鳴春鳥停杯漫一吟

寄楊中丞伯謙二首

晉俗猶秦俗君來化自同多憂關大計兩鎮得全功
雪盡西山迥雲間朔漠空樵蘇幸無事四野共春風

二

片言勒鐘鼎一騎走邊城道在無今古神交有重輕
感心空自合知己月同明應念楚狂輩天涯寄此生

留贈丘叅軍以恭

茲郡爾何苦經時嗟二毛行非五馬並坐有一州勞
人頌城春滿鴉鳴簷日高客來言昨夜不寐聽松濤

留贈高判官子薦

葉公畫龍處往往出人龍自惜青雲阻猶言昭代逢
登堂惟案牘走馬更塵容垂老功名薄蕭然坐曉鐘
禠亭驛同兒元煒夜酌兼憶鄴中

五載禠亭路風塵兩去來滔滔惟世事草草共兒杯
庭暗樹相合燈孤花自開明朝託漳水此意到三臺

和王侍御沁陽再逢除夕

復此歲將盡烏啼霜滿城孤燈千里客夜半兩年情
北望邊愁劇西來鬢髮更乘春發驄馬猶自問蒼生

讀楊中丞石州陷後之作感而賦此二首

邊郡遭兵火愁雲暗郭門一朝俱鬼錄萬戶幾人存
大難嗟何苦微功激在恩君詩寫憂思風雨坐黃昏

二

製作關時重長吟我亦愁蕭條閃燈夜慘澹入邊秋
月照猶戎壘笳鳴宛戍樓知君不平處霜下拭吳鉤

詠鶴送華亭張給事之南都

華亭有孤鶴毛羽雪霜清松下自成舞琴中誰寄聲

三山明月夢萬里赤霄情芳杜時消歇秋風聽爾鳴
酬許中丞伯誠過鄴訪予不值見懷之作

千里赴徵書漳南訪客居萍蹤尚漂泊物色近何如
白鴈關河外黃花霜露餘三臺不同賦按轡幾躊躇
送欽水部子辰之沛中

清標憐水部南去意何窮樹色分淮甸河流見禹功
亂帆春草外古堞暮雲中感慨登臺處蕭蕭起大風

送王行人維藩使汝南

仙郎寵命新向曉發征輪去路梁園雪歸期燕谷春
王孫瞻絳節候吏走黃塵想過仲宣宅還憐作賦人

送孫都閫君祿還浙江

七月樓船至殘冬車馬歸野風吹暮雪江柳拂春衣
轉餉心憂切驅馳身計違明年應更早候鴈欲同飛

有感

嗟哉利與名多事亦勞生身外千年恨心間幾日平
金銀餘夜氣松檟自寒聲憶昔雍門曲悽其終古情

立春夜同高伯宗吳明可進士集王行人時
育宅三子皆湖南人賦得山字

天涯驚臘去客子滯東還缺月三更後流年萬事間
陽春元楚調風物自燕山會待城南柳青青可共攀

送徐比部汝思使蜀中四首

徐陵復此別驛柳重須攀詔發雲霄上春生巴蜀間
錦城通二水劔閣擁千山定有登高賦乘秋使節還

二

試發酉陽書還探丙穴魚昔人不可見秋興欲何如
巫峽雲生夜巴江葉下初啼猿正淒斷山館獨躊躇

三

何處看春色江城花鳥繁射洪一樽罷騷雅幾人存
日下銅山靜雲連赤岸昏更憐陳正字零落獄中魂

四

春草徧三川征輶入蜀年棧通星使路嶺斷夜郎天
關塞雙旌轉風霜一劔懸勞歌對明月江上幾回圓
春日同李于鱗王元美比部集韋氏水亭得

韻二首

都門聯轡出此地訪煙蘿共酌清樽酒還成白苧歌
春雲花外度幽鳥水邊多更擬池亭上相將采芰荷

二

我來憑水檻坐久夕陽斜聊復祛塵事相將攬物華
河山百戰地桑柘幾人家縱有明春約還看何處花

春遊

古道一鳴鞭蒼茫雨後天湖明春草外寺隱暮雲邊
野浦還垂釣山房欲問禪客中幽事少獨愧白頭年

北望

燕甸欲春殘踟躕重北看嶺雲風外斷沙草日中寒
實塞還增賦防秋更設官晚來有飛騎冒雨入長安

寄張太原

憶昔南樓別相思動隔年晉山春草外燕樹早鶯邊
烽燧何時息徵求此日偏不知尹鐸後保障幾人賢

寄趙憲副萬舉

舊臥淮陽閣今屯鄴下兵經時求壯士憂國聽邊聲

馬踏長楸道旗翻細柳營黃鬚少年子仗劍遲功成

送陸判官在鎔奔喪吳中

佐郡才方振悲歌忽送君春風易水上落日吏人分
海樹遙相望城烏詎可聞無因復懷橘馬上哭江雲
和王比部元美喜濬人廬柙寃雪之作

春從鄒律動近得破愁顏心事孤燈下年光萬死間
賦成餘白髮身在有青山共爾煙霞約飄然去不還

送蔣判官子重之泰安

策馬齊中路行當佐郡憂城連岱雲起地接海天浮
賦稅徵兵日星霜報國秋有懷時北望寒鴈下河洲

驟雨東西岩君

隔院共風雨誰家秋意多
簷前走霹靂門外散江河
留滯人扶杖淒涼鳥在柯
應思折簡夜乘月幾經過

大雨

歛見飛雲合山城入杳冥
羣龍作風雨百怪避雷霆
宿鳥枝難定幽人酒易醒
何當散憂思涼月滿空庭

詠史

沛公得秦鹿復向白登城
十載戰爭苦一朝和議成
黃雲秋倚劔紫塞日屯兵
獨有幽并子長含千古情
朱郎中伯鄰養痾道院雨中見召賦此答之

習靜依山侶同懷復見招
三花煙雨隔一鶴洞天遙
寒逼青霞館泥深白石橋
月明應不負樽酒聽吹簫
送蘇子川之雲中

黃塵上馬頭風日慘於秋
獨羨虬髯子能爲鴈塞遊
孤雲低驛道萬柳出邊樓
自古儒生貴功成定遠侯
送蘇子冲之雲中

翩翩蘇季子征馬獨嘶風
路轉河聲近星搖劔氣雄
旌旗閒塞上笳鼓靜雲中
試看和戎後誰收不戰功
夏夜皇甫子循別駕宅同謝少安應瑞伯方
禹績諸兵部得君字

感舊仍遷客，憂時幾使君。三秋欲仗劍，一夕偶論文。
月隱燕城樹，鐘沉魏闕雲。明朝俱世事，相望隔塵紛。

端午憶兒元煒元燭

坐感辟兵絲，遙憐鬪草兒。端陽回首處，落日候門時。
鄴下聊衣食，天涯幾夢思。何當對蒲酒，聽汝誦吾詩。

季夏夜過郭學士質夫館得流字

客居度煩暑，仙館得清秋。華露涼浮動，明河夜轉流。
思鄉還自賦，秉燭且同遊。潦倒誰招隱，淮南桂樹幽。

同沈禹文周君可二叅軍集章子吉叅軍宅
時章景南行人至自上黨卽席賦此

使星昨夜轉車騎，入長安共喜傳觴好。猶言行路難，
蟬聲風外斷槐色。雨中寒起舞，蒼龍劍光芒。幾度看
東徐給事舉之

聞道衝風雨，清晨向玉除。羽林頒賞後，驃騎用兵初。
社稷猶身計，朝廷幾諫書。看君畫麒麟，閣歸釣越溪魚。

邊警

黃塵甲士動赤日，羽書流埃火明中。夜城笳咽早秋，
朝廷方重託將相。轉深憂俠氣，誰家子都門。躍紫騮，
登樓北望懷郭學士質夫李吏部一元

李郭風騷匹，登樓獨悵然。黃花秋滿地，白鴈夕橫天。

玉闕雲霄外金門日月邊踈狂燕趙客早晚賦甘泉

夏夜鄒叅政君哲宅陪餞皇甫別駕得才字

磊落閩中彥沉淪吳下才相看成別賦一笑且深盃

庭暗流螢過樓明缺月來新豐能幾醉騎馬故遲回

夏日大雨

小樓動秋意風雨忽來時暗失黃塵陌平開綠草池

朝閒成久臥氣爽得新詩車馬訪幽獨衝泥竟有誰

遣懷

天地此生浮貪名豈道流何爲兒女計徒遣歲時憂

取醉江花日行歌嶺樹秋向平元有約南盡白雲遊

送黃明府之舒城

南浦揚帆去舒城近得君縣花當晝寂琴月度宵分

才自巴陵見名從鄂渚聞于今楚父老相憶隔江雲

出門

出門何所見車馬日紛馳空滯白頭客長懷青桂枝

砧聲秋動處桐影月來時數有山中夢還從角里期

白尚寶貞甫輓詞

舊識毗陵路悠悠嘆轉蓬才名三黜裏鬢髮九愁中

孤舫琴書在高樓烟月空當年問竒者江上泣秋風

立秋夜有感

立秋夜有感

秋生一葉初搖落重愁予宋玉悲何晚嵇康計亦疎
星明孤劔動月白小樓虛爲憶同心者天涯未報書

奉寄王中丞民應二首

霜威動三楚京國復乘騄心力封章盡聲名折檻同
官加柱史上才展急難中仗策期他日還高驃騎功

二

開府臨河甸嚴兵護帝居轉輸憂國際保障築城餘
才大還麟閣功多自鷺車不知戎馬日曾見魯連書
秋夜石戶曹君采宅留酌得雲字

無那天涯別寒蛩可更聞燭花還對我尊酒暫同君

夜駐西山月秋生北塞雲他時重相憶惆悵幾宵分

晚過李司封隆仲宅

客中誰與晤落落見君稀月白來停騎天清坐敞扉
亦知騷客在莫嘆楚聲微何日蘭臺上瑤觴共爾揮
送梁封君歸大理

丈人何所之舊業傍滇池行色風煙裏歸心戎馬時
天迴蜀外盡秋到日南遲獨有斑衣子悠然萬里思

秋夜烏給事汝登宅言別

故人同此夜離思且銜盃古樹當庭合流螢到席回
燭花留我醉諫草識君才異日關河隔秋鴻幾北來

秋夜宗子相宅賦得君字

獨嗟蘇李後作者自紛紜得失何時定輸心此對君
禁鐘飄萬井海月度層雲且復同尊酒狂歌向夜分
張少叅子明見過

病客掩扉臥時聞車馬臨幾來燕市裏能識魯生心
獨樹秋先老浮雲晝欲陰况逢憂國際誰爲訪山林
章景南署中對竹

誰種此亭竹當樽一問君相看成野意自覺遠塵氛
幽色霜前見秋聲月下聞醉來堪隱几清夢入湘雲
聞鴈

聞鴈每愁思今秋思轉多年光成老病朔氣入兵戈
終遂滄洲計聊爲白石歌夜來有歸夢乘月渡西河
章景南菊下讀離騷戲贈

坐對菊花枝翛然澹所思霜華連上苑秋色宛東籬
那復沽燕酒聊堪讀楚詞三閭舊懷抱政爾獨醒時
秋夜雪後同王給事以寧集胡進士文潑宅
予病先歸

客醉黃花月堂開白雪天重城輝夜色老樹奪春妍
已負金樽酒那成寶劔篇病來扶上馬歸向小樓眠
寄陸明府與繩二首

數問南來客賢聲自陸侯龍蛇元異迹涇渭不同流
縣接山花暖琴邀海月秋不知兵甲後曾復為時憂

二

昔聞強項令今復見黎陽地合三江秀天垂列宿光
辨冤開日月持法動風霜何限歌謳者閭閻春自長
冬夜吳比部鳴仲宅同張茂參方禹績二兵

部作

有美東甌客招攜夜未歸巷深傳柝響簷敞動星輝
郡縣仍彫弊邊關各是非老夫愁易醉不敢問戎機
寄劉少參才甫

迢遙憶同病幾載曠容顏多難行藏裏孤懷冰雪間
烽煙仍北塞歲月自東山叢桂他時約秋風可共攀

柬任稽勳可依

當年玉堂客騎馬數相尋祗隔長安市今踈大雅音
白頭知道在黃菊感秋深擬約任公釣悠悠滄海心
高比部伯宗宅夜集得清字

銅漏寒初澁冰壺夜轉清月澄天漢影風落禁鐘聲
病裏踈身計天涯得友生後期無定所江海共含情

冬夜馬憲副吉甫宅同盧司業濬卿李鴻臚

東明得燈字

喜對同鄉侶花開半夜燈高歌醉後發逸氣坐來增
暗動長安柝寒深太液冰還期風雪夜咫尺興堪乘
黃侍御文卿喪二子作此慰之

情鍾嗟此日二子杳何之同得江南信偏增客裏悲
霜摧蘭桂秀天奪鳳麟奇定卜他宵夢探環並有時
冬夜同徐比部子與吳舍人明可聽張肖甫

鼓琴得聲字

夜過成都客風流羨長卿壺觴移燭影山水入琴聲
庭敞風初斷天寒月更明他時軒冕會應記薜蘿情
送劉推官子禮之平陽

人憐燕市別才羨洛陽奇春色迎驂動民情到郡知
天低姑射嶺雲抱帝堯祠幾爲看汾水東流寄所思
送盧司業濬卿再赴南都三首

相憶江湖遠相逢京國初羽觴春欲動宮漏夜何如
客久慙懷刺年衰可著書君仍金馬詔吾竟白雲居
二

神交千里外書寄十年間南北月孤照江湖雲自閒
君來同濁酒此別兩衰顏建業春應早梅花誰共攀
三

陽城復南去歲晚上吳船寒盡秣陵雪春浮揚子天

一官心自遠六代賦同傳何異碧山下蕭條著述年
冬夜黃給事用章宅同張肖甫賦得中字

初逢青瑣彥下榻一宵同月落棋聲裏春回燭影中
放歌還楚調扶醉有巴童上苑遙相問梅花定幾叢

冬日兒元燦至云從弟恩入鄴慨然有賦

秋風吹客館潦倒欲東歸作賦星垂鬢驚心雪點衣
汝家知有待吾計惜多違遙憶漳河上天寒鴈獨飛
宿包錦衣園亭燃燭初不甚明頃吐焰作金
色菊光爛特異旋如榴實有感而賦

門閉空園雪殘宵獨賦詩燭纒騰綠焰花復燦金絲
顧影殊相感含輝當日期明庭狗監在寧使長年悲
雪中過悟上人蘭若柬王時育

東林談法處時見雨花多興比尋春劇光疑步月過
茫茫辨祇樹晶晶失恒河獨坐禪燈下空慚郢客歌
送周行人台仲使鄴下

爲送皇華使鄉關意不勝懸旌歲將晏看劒氣逾增
燕甸朝衝雪漳河夜渡冰相期春有賦聯轡下西陵
吳舍人明可徙居同徐子與劉子成二比部
夜集得書字

仙郎近卜居幾乘載圖書鄰里通名後牆頭過酒初

漏沉丹禁遠燭動碧窻虛補袞才無暇明朝向石渠
送李秀才歸郢中

三千郢城路歸去歲殘時綠鬢看仍好青雲到未遲
曉風回浦鴈春雨發江離白雪元高調何憂人不知
送葉運司之濟南

吾鄉非久別驅馬下燕臺歲杪客程盡雪中官舍開
三齊春水發千舫白鹽來相約看芳草還同湖上杯
正公禪房雪後顧聖甫見過

信宿依禪侶留連般若臺攀松意偶爾曝日坐悠哉
雜樹冰花盡諸天寒色開那期乘興客遙爲踏泥來

春日過山村漫興

何物清人思西山對郭門漁樵春草路雞犬夕陽村
水動烟霞色沙留杖屨痕向來樗散意一醉任乾坤

寄酬朱逸人堯治

爾客信陵館夷山空復春縱橫戰國士踈懶聖朝人
對雨燈無焰衝星劍有神緘書曾寄我千里意相親
寄懷程太守子晉

游宦春偏感燕山見柳絲幾鶯遷亦早五馬轉何遲
政化邊城俗名藏郡守詩西歸讀禮處雨暗夜烏悲
雨中憶陳光祿園亭

趙府水玉堂
四溟全集卷之九
西望秋陰合衝泥誰訪君石階鳴驟雨池館帶濃雲
樹影水無定棋聲人不聞莫言晴色好底事日紛紜

感興二首

目極煙霞闊心閒杖屨遲夜游惟月色春興幾花枝
人但求生樂誰能待死期青山秋更好老子舊相知

二

半生探勝迹身歷幾山川石淨松間路雲間鶴外天
黃金無定主白髮有期年却羨鹿門叟躬耕數畝田

四溟山人全集卷之九終

